

詩

緒

餘

錄

詩緒餘錄卷六

小雅

鹿鳴

鹿 淮南子曰鹿鳴興於獸而君子美之取其得食之相

呼美鹿鳴之得食以招羣興君子備笙簧以宴客埤雅
字統云鹿性警防分背而食以備人之害羣居則環其
角外向以防物害故詩以况君臣之義毛詩草蟲經曰
鹿欲食皆鳴相召志不思也周官視朝則皮弁服皮弁
以鹿皮爲之蓋取諸此爾雅鹿曰其跡速鹿善決驟故

其跡速而不瓜鹿之所息謂之場詩曰町疃鹿場言町
畦村疃之中無人焉故鹿以爲場也舊說鹿仙獸自能
樂性至六十年必懷瓊於角下角有斑痕紫色如點行
或有涎出於口不復能急走也蓋鹿戴玉而角斑魚懷
珠而鱗紫有諸內必形諸外云林氏有席曰鹿林獸也
性喜林名苑曰鹿之大者曰麀尾生長毛羣鹿隨之視
其尾爲準故晉人揮麀清談

萃

鄭箋萃蘋蕭郭注今蘋蒿也初生亦可食毛傳萃萍

也趙氏佑曰鄭箋因爾雅以易毛傳之萍陸疏葉青白

色莖似箸而輕脆

詩爾雅疏並作肥

始生香可生食又可蒸食

詩緝釋草萃有二種一云萃蘋其大者蘋此水生之蘋也。一云萃蘋蕭郭璞云今蘋蒿此陸生之萃也。卽鹿食者徐氏鼎曰萍从水从平是水中之草。萃从平是平地之草。其文異也。鹿食九種解毒之草。萃其一焉。

蒿

毛傳

蒿蒿

也

孔疏孫炎云荆楚之間謂蒿

爲蒿陸疏蒿青蒿也香中炙啖爾雅注同荆豫之間汝南汝

陰皆云蒿也

孟詵

曰春初蒿最先諸草而生埤雅

蒿草之高者也爾雅曰繁之醜秋爲蒿蓋蘋之類至秋

則高大故通呼爲蒿青蒿背之太白者也青蒿一類自

有兩種有黃色者有青色者陝西綏銀之間有青蒿在

蒿叢間時有一兩株青色土人謂之香蒿一如松檜之色至深秋餘蒿並黃此蒿猶青氣稍芬香恐古人所用以此爲勝說文耄从蒿省蓋五十象艾六十象蓍七十象蒿艾治也蒿亂也蘇頌圖經春生嫩葉極細可食至夏高四五尺秋後開細淡黃華結子如粟大徐氏鼎曰青蒿葉細於白蒿爾雅諸蒿獨莛單稱爲蒿豈以諸蒿葉背皆白而此蒿獨青故歟。

芩

毛傳芩草也陸疏芩草莖如釵股葉如竹蔓生澤中

下地鹹處爲草貞實牛馬皆喜食之又黃芩藥名莖幹粗如筋葉布地四面叢生非鹿食之芩也

四牡

駱

毛傳白馬黑鬣曰駱

爾雅同

埤雅廣雅曰白馬朱鬣駱

今呼黃馬尾鬣一道通黑如界者爲駱蓋馬無分於黃白皆謂之駱若今衣脊絡縫故曰駱明堂位曰夏后氏駱馬黑鬣此以別白馬朱鬣之駱也月令曰孟秋駕白駱此以別黃馬黑鬣之駱也俗云駱馬善奈勞苦今取息不平則以甚勞故也○文選注韓詩薛君曰威夷險也漢書地理志云周道郁夷言使臣行馬馳於此道范氏家相曰郁夷地名詳王應麟詩考此齊魯之說與韓異詩緝駱馬耐勞苦今以勞之故猶嘽嘽然喘息人勞

可知矣

鷓

毛傳佳夫不

音扶浮羅氏中行曰不方浮反又如字

也壹宿之鳥

釋鳥作佳

其鵠鴉邢疏鄭箋壹宿者壹意於所宿之木又云鳥之引毛詩作鷓

謹慤者人皆愛之此是謹慤孝順之鳥孔疏李巡云夫

不一名鷓春秋傳云祝鳩氏司徒祝鳩鷓也集傳今鷓

鳩也凡鳥之短尾者皆佳屬或曰鷓俗字本當作佳陸

疏鷓其夫不

二字毛本陶本無今久詩釋文補

今小鷓也一名鷓

詩釋文作

浮集傳誤作鷓經史榮校正

鳩幽州人謂之鷓鴣

爾雅疏作鳴

梁宋之間

謂之鷓揚州人亦然鄭樵曰其者指之之詞趙氏佑曰

鳥之短尾者皆謂之佳唯夫不專名焉故指言之則佳

其非斷句讀爾雅者多誤韻會離音錐卽今白鳩本作
隹邢疏隹今楚鳩埤雅自關而西秦漢之間謂之鷦鷯
其大者謂之鷽鷽小者謂之鷽鷽或謂之鷽鷽鷽鷽梁
宋之間謂之鷽鷽性慈孝慈謹故聽聲考詳篇云雀性
慘毒鷽性慈念而詩以爲使臣賢者之况鷽鷽性壹而
慈祝鷽性壹而孝故一名尸一名祝又青鷽本草一名
黃褐侯說文云祝鷽也隹鳥之短尾總名也禽經曰拙
者莫如鷽巧者莫如鷽今鷽累巢止於數枝纔能載身
而已鷽巧而危鷽拙而安詩緝鷽鷽鷽也卽郊子祝鷽
氏司徒也一鳥十四名鷽也隹其也鷽鷽也祝鷽也鷽

鴝也鴝鳩也鴝鳩也楚鳩也鳩鳩也荆鳩也乳鳩也鳩
鳩也鴝鳩也鴝鳩也左傳注祝鳩孝鳥所以教民徐氏
鼎曰祝鳩性壹而孝飛止不離於楸杞人臣一於王事
不得養其父母故以爲喻

楸 陸疏楸今柞櫟也徐州人謂櫟爲杼或謂之爲楸其
子爲皐或言皐斗其殼爲汁可以染皐今京洛及河內
多言杼汁或云櫟汁讀櫟爲杼五方通語也詩緝楸柞
也櫟也杼也

杞 毛傳杞枸杞也南山有檇音計一名枸檇陸疏杞其樹
如樗一名狗骨此句於南山有一臺下引之疏缺一名苦杞一名地骨春

生作羹茹微苦嘉祐圖經云枸杞有針者一名枸棘其
莖似莓子秋熟正赤莖葉及子服之輕身益氣詩緝本
草有枸杞一名仙人杖一名西王母杖山谷顯聖寺庭
枸杞詩云養成九節杖持獻西王母天隨子又言常食
杞菊東坡有後杞菊賦卽此杞也其根名地骨其莖幹
三五尺作叢○詩有三杞解見前將仲子

皇華

駒

埤雅馬二歲曰駒三歲曰駢八歲曰馱馬八歲一變

故从八語曰七驄八白言馬至八歲驄變而白也傳曰
大夫乘駒義詳株林蓋駒血氣未定有締齧之虞故大

夫乘之若以進御則十六歲以上荀子曰大路之馬必倍至於敎順然後乘之所以養安也倍言年長以倍詩先言駒而後言騏駼則騏駼皆駒也大夫乘駒駕三今日六轡者上大夫卿奉使故也禮曰上大夫卿卿與諸侯駕四說文从句音拘則以駒血氣未定宜拘執之焉爾詩曰繫之維之蓋取諸此舊說繫馬曰維繫牛曰婁公羊曰馬牛維婁○又曰或云天子之馬盛則駕六常則駕四詩四黃旣駕兩驂不猗此駕六之證也穆王命八駿之乘右服華騶而左綠耳右驂赤驥而左白渠次車之乘右服渠黃而左踰輪左驂盜驪而右山子

此駕四之證也。○騏駼解見魯頌駟及小戎四牡

常棣

常棣 毛傳常棣棣也釋木唐棣移常棣棣郭注今關西有棣樹子如櫻桃可食陸疏常棣許慎曰白棣樹也如李而小如櫻桃正白今官園種之又有赤棣樹亦如白棣葉如刺榆葉而微圓子正赤如郁李而小五月始熟自關西天水隴西多有之詩緝玉李也李氏曰何彼襍矣與論語之唐棣則爾雅所謂移也此常棣與采薇之常華則爾雅所謂棣也埤雅如李而小子如櫻桃正白華萼上承下覆甚相親邇詩以譬甚相親邇者常而已

矣故曰常棣棣从隶言華萼相承榮輝相隶也隶仁也
移義也兄弟尙親親仁也故常棣以燕兄弟鳴鵲序曰
爲此曰作者蓋周公之於詩其道在鳴鵲其事在常棣
也鄭箋承華者曰鄂不當作榘榘鄂足也楊用修曰鄂
花苞也今文作萼不花蒂也今文作跗花下有萼萼下
有跗花萼相承覆故得韡韡而光明毛傳鄂猶鄂鄂然
言外發也集傳從毛故以爲鄂鄂然外見之貌毛氏奇
齡曰鄂不此與春秋傳華不注山作華跗注山言如華
足之注於地正同故庾子山作後魏賀拔夫人墓誌直
曰鄂跗雄圖公然改不字爲跗字以解有定也姜氏炳

璋曰釋木唐棣移常棣棣明是二木本草移楊白楊同類異種未聞其實可食也常棣郁李卽豳風之莫也自韓詩序誤以夫移爲常棣陸璣誤以郁李爲唐棣而孔氏疏詩邢昺疏論語爾雅皆仍陸說朱子於何彼穠矣注嘗改正之而論語注未改遂致二物相混豈知唐棣華反而後合常棣則華鄂相承一喻夫婦之別一喻兄弟之和○韓序夫移燕兄弟也閔管蔡之失道也范氏家相曰常棣作於周公毛韓之說皆同案左傳僖二十四年云召穆公糾合宗族於成周而作詩曰常棣之華云云杜注召穆公於東都收會宗族特作此周公之樂

歌是詩本周公作而召穆公歌之耳昔人陳古以諷每謂之作如司馬遷謂周室衰而關雎作揚雄謂關雎作爲傷始亂薛士龍謂關雎刺時是賦其詩以諷是也若常棣韓序誤作夫移歐陽永叔胡致堂因之謂論語唐棣四句爲此篇之逸詩諸儒辨之已詳

脊令 毛傳離渠也

釋鳥同

陸疏脊令大如鸚雀長脚長尾

尖喙背上青灰

爾雅疏作赤誤今从趙本

色腹下白頸下黑如連錢

故杜陽人謂之連錢埤雅脊令錢母俗呼雪姑其色蒼白似雪鳴則當天大雪極驗其鳴自呼或曰首尾相應飛且鳴者謂之雍渠渠之言勤也詩緝雪姑也禽經言

脊令友悌飛則鳴行則搖程子言脊令首尾相應兄弟
急難之際其相應如是集傳沿毛傳以脊令爲水鳥正
字通辨其非是毛氏奇齡曰唐元宗時有脊令數十集
麟德殿頌者以爲此天子友悌之瑞此正己事可証者

伐木

伐木 韓詩伐木廢則朋友之道缺序云勞者思其事伐
木苦其事故以爲文范氏家相曰言伐木之事勞苦其
聲若求助於衆力者故詩人取以爲求友者興考後漢
書注云周德始衰頌聲旣寢伐木有鳥鳴之刺未知所
出大抵亦魯齊之說

肥羜 毛傳羜未成羊也郭注今俗呼五月羔爲羜正字
通辨羊自始生時形體雖微卽已成羊未可謂未成毛
朱詩傳皆沿爾雅注非是埤雅羜未成羊也故从宁宁
佇也佇其美成而後足用詩曰既有肥羜而後言既有
肥牡明其禮有加無已也

肥牡 孔疏肥羜之牡者

采薇

常華 毛傳常常棣也解見常棣

象 毛傳象弭弓反末也所以解紒音計又音結也孔疏弭者
弓稍之名以象骨爲之是弓之末弭弛之則反曲埤雅

象南越大獸長鼻牙望前如後三年一乳行孕肉兼十
牛命在其鼻其所食物皆以鼻取之今服馴巨象以小
斧刃斲之其金創見星月卽合若與垂象冥應舊說象
之所在其土必豐又云象性久識能浮水出沒體具十
二少肉唯鼻是其本肉胆不附肝隨月轉在諸肉如正
月建寅卽胆在虎肉鼻端有小爪可以拾鍼或曰胆隨
四時在足春在前膊左夏在前膊右其牙生花必因雷
聲故古者以爲器飾字說曰象齒感雷莫之爲而文生
春秋運斗樞曰瑤光之精散而爲象足之所履能知地
中虛實故天子鹵簿用爲前導內典曰水行龍力大陸

行象力大御人自當佩角非專爲代御者解紆設此象
弭也餘詳泮水

魚服 毛傳魚服魚皮也孔疏魚服以魚皮爲矢服左傳

曰歸夫人魚軒服虔云魚獸名則魚皮又可飾車夏官
司弓矢職曰仲秋獻矢箛注箛盛矢器也以獸皮爲之
陸疏魚服魚獸之皮也魚獸似豬東海有之一名魚狸
詩疏闕此四字今从趙本其皮背上班文腹下純青今以爲弓韉步
又者也其皮雖乾燥以爲弓韉矢服經年海水將潮及
天將雨其毛皆起水潮還及天晴其毛復如初雖在數
千里外可以知海水之潮氣自相感也

楊柳 毛傳楊柳蒲柳也解見車鄰

杕杜

杕杜 詩緝赤棠也解見唐杕杜

杞 詩緝枸杞也解見四牡

魚麗

鱮

毛傳鱮揚也

案鱮爾雅不載

陸疏鱮一名黃揚今黃頰魚似

燕頭魚身形厚而長大頰骨正黃魚之大而有力解飛者今江東呼爲黃鱮魚亦名黃頰魚尾微黃大者長七八寸許埤雅性浮而善飛躍故一曰揚舊說魚胆春夏近下秋冬近上李氏調元然犀志曰古名黃鱮魚詩注

名黃頰魚。今人名黃魮。黃軋蓋頰頰以形言。鰭以味言。魮軋以聲音也。背青腹黃無鱗腮下有二鬚魚之有力能飛躍者名物解鰭鰭固美矣而不可多得故美不足言而以多為貴魮鰭固多矣而陰物有一暴戾之氣則不美矣故多不足言而以美為貴鰭鰭固多矣而又美取之易食之甘旨也多也皆不足言而以時取為貴

鰭

毛傳鰭鰭也

釋魚同

姜氏炳璋曰

鰭魚之小者陸疏鰭

吹沙也似鰭

爾雅疏無此二字今从趙本

魚狹而小體圓而有黑點

一名重脣簪鰭

詩爾雅疏無此六字今从趙本

常張口吹沙每春鰭至

甚多異物志曰吹沙長三寸許背上有刺螫人埤雅鰭

性善沈大如指常行沙中亦於沙中乳子故張衡云縣淵沈之鯊鰠字指云鰠鯊屬鰠鰠鯉其性浮魴鰠鯉其性沈而留則鰠婦之笱其用功寡以待魚之自至今沈浮大小美惡與其形色之異具有則餘物盛多可知也鰠鯊小魚魴鰠中魚鰠鯉大魚又鰠鯊之美不若魴鰠魴鰠之美不若鰠鯉故其序如此爾雅翼鯊非特吹沙亦且食細沙味甚美大者不過二斤然不若小者之佳今人呼爲重脣脣厚特甚有若鼃鼃故名今江東小谿中每春極多土人珍之夏則隨水下是後罕矣大約正月先至次則鰠至次則鰠至桃花水至而鰠肥則三月

矣。漢氏云：鯊有極大者，則海鯊也。戴侗云：胎生不一種，有虎頭鯊，能化虎，有蛟鯊，似蛟皮，可爲劍鞘，皆非此鯊也。徐氏鼎云：此鯊乃南方溪水中吹沙小魚，同名異物。此从沙从魚，連文海中者，直名沙魚。

魴 釋魚。魴，鮓。郭注：江東呼魴魚爲鰕，一名魴。說苑：魴博而味厚。埤雅：衡門詩：先魴後鯉，蓋齊魯之間，魴爲下色，鯉爲中色，鰕爲上色。餘詳汝墳。

鰩 釋魚。鰩，鮓。羅願云：魚圓長而斑點，有七作北斗之象。夜則仰首向北而拱焉，有自然之禮。從禮，埤雅：今元鰩是也。諸魚中惟此魚胆甘可食，有舌，鱗細有花文，一名

文魚與蛇通氣其首戴星夜則北嚮蓋北方之魚也舊
云鱧是公礪蛇所化至難死猶有蛇性故或謂之鯪爾
雅曰鯪大鰠小者鮓案詩緝以鱧爲鮓從舍人陸璣之
說也似不如從爾雅爲妥陸氏鼎曰舍人以鯪名鱧鮓
名鮓孫炎以鯪爲鮓則是統六者爲三魚惟郭注爾雅
別爲六魚當矣蓋鱧之非鯪說見鱧注鱧鰠也大者鯪
小者鮓卽吳中呼爲黑魚也若鮓又是一魚吳中呼爲
鯪魚鯪與鮓同音混明是鱧之非鮓也鯪鮓詳下

鯪

埤雅今偃額白魚也

郭注作鯪
額白魚

一名鮓鯪魚偃鯪魚

俯鱧魚圓魴魚方蓋鱣鯨長魚也而魴鱧則言其魚一

言糸金 卷二
方一圓。鯢鯢則言其魚一偃一俯。以著萬物眾多也。詩
緝毛傳及前儒皆以鮎釋鯢。惟郭璞以鯢鮎各爲一魚。
鮎別名鯢。本草鯢一名鮎魚。一名鯢魚。是鮎鮎鯢爲一
魚。不言是鯢。毛傳質畧。當言畧似鮎耳。徐氏鼎曰。釋魚
鯢鮎並舉。郭氏分釋之。而邢昺謂其目驗言之不爲無
據。諸家皆以鮎爲鯢。久沿此誤。舊說鯢魚身圓白額腹
平著地。故名鯢。蘇頌圓經云。背青口小名鮎。據此。明是
兩物。

鯢 埤雅今之賴鯢也。一名鱣。鯢脊中鱗一道。每鱗上有
小黑點。文大小皆三十六。鱗魚之貴者。故釋魚以鯢冠。

篇而養魚經云所以養鯉者鯉不相食易長又貴也神農書曰鯉爲魚之主今人以盤水養之雖困鱗不反白蓋健魚也俗說魚躍龍門過而爲龍唯鯉爲然其壽有至千歲者故詹何之釣千歲之鯉不能避也蓋亦龍類故仙人乘龍亦或騎鯉乃至飛越山湖本草有赤鯉白鯉黃鯉三種詩緝云埤雅以爲鱮魚黃魴魚青鱧魚元鰕魚白鯉魚赤則五色之魚俱備又云鱮魚小魚魴鱧中魚鯉鯉大魚又云鱮魚長魚魴鱧一方一圓鯉鯉一俯一仰又鱮魚魴其性浮鱧鯉其性沈意謂五色備而大小長短浮沉之不同也然不必泥陸氏德明曰前

南都賦云嘉魚出於丙穴李善注魚以丙日出穴先儒
言丙穴在漢中沔陽縣北有乳穴二所常以三月取之
穴口向丙故曰丙舊言尾象篆文丙字故曰丙穴爾雅
魚尾謂之丙則魚尾象丙豈特嘉魚而已如上所言則
以嘉爲魚名然下文樛木非木名則嘉魚亦非魚名要
之詩人以魚之嘉者瓠之甘者喻賢耳徐氏鼎曰丙穴
之說不一酈氏陸氏以穴口向丙謂丙穴近似有理曰
南有者則在江漢之間今陝西漢中沔縣北有二所三
八月取之

甘瓠 呂氏詩記曰瓠有甘有苦甘瓠則可食者也樛木

下垂以與君瓠之甘者以與賢言相與固結而不可解也埤雅瓠狀要類於首尾類於要微銳緣蔓而生甘瓠鼎之則賢者以貴下賤之況也傳曰苦瓠不材於人明此甘瓠材於人者也風俗通曰八月秋穰可以殺瓠取其色澤而堅類從以爲瓠死燒穰瓜亡煮漆今俗畜瓠之家不燒穰種瓜之家不焚漆物類相感志曰牛踏蔓上則苦以瓠乘酒冬則暖夏則冷

南山有臺

臺

毛傳臺夫

音須也釋草

陸疏臺舊說夫須莎草可爲

蓑笠都人士云臺笠緇撮或云臺草有皮堅細滑緻可

爲簦笠以禦雨是也詩緝以莎草爲衣則謂之蓑可以爲蓑又可爲笠埤雅臺莎草也疏而無溫故莎从沙與內司服之沙同意臺可覆萊可食皆草也其生也在物下其成也在物先有臺之象故詩曰邦家之基且臺可覆萊可食以象庇下養下之臣徐氏鼎曰臺一作臺草名以此草爲笠借爲笠名都人士云臺笠是也名夫須者賤夫所須也苗莖葉都似三稜根如附子名香附周币多毛

萊

毛傳萊草也陸疏萊草名藜也

二字疏不載今从玉篇說文廣韻補其

葉香可食今宛州人蒸以爲茹謂之萊蒸林氏有席曰

一名蔓華一名蒙華別名藜一說卽今紅心灰藿萊浦人以雞蘇爲萊三蒼人以茱萸爲萊蓋名同物異

楊

詩緝楊蒲柳可爲箭筈又可爲舟

杞

陸疏杞一名狗骨山材也其樹如樗一名苦杞一名

地骨理白而滑可以爲函及檢板其子爲木蠹可合藥

曹氏曰梓杞也三杞考見將仲子

栲

毛傳栲山樗也詩緝可爲車輻解見山有樞

杻

毛傳杻櫪也詩緝可爲弓弩榦解見山有樞

枸

毛傳枸枳枸也釋木無文陸疏枸樹山木其狀如櫪

一名枸骨

詩疏無此十字

高大如白楊所在山中皆有理白可

爲函杖枝柯不直

詩疏無此三句

有子著枝端大如指長數寸

噉之甘美如飴八九月熟江南尤美

詩疏無此四字

今官園種

之謂之木蜜古語云

案本宋玉賦

枳枸來巢言其味甘故飛

鳥慕而集之

古語以下詩疏無

本從南方來其木能令酒味薄

若以爲屋柱則一屋酒皆薄廣志名木珊瑚其枝虬曲

又名交加枝其子形如雞脚故大蘇文集又名雞距子

古以爲婦人之贊今俗所云卍字果是也

楸

毛傳楸鼠梓也

釋木同

郭注楸屬也陸疏楸楸屬其樹

葉木理如楸山楸之異者今人謂之苦楸溼時脆燥時

堅今永昌又謂鼠梓漢人謂之楸曹氏曰官室之良材

江東人名爲虎梓徐氏鼎曰鼠梓木似山楸而黑○詩故詩舉草木各有倫類臺萊附地者也故曰邦家之基桑楊葉之沃若者也故曰邦家之光杞李多子者也故曰民之父母栲栳枸櫞耐久者也故曰眉壽黃耇非直叶韻而已○

蓼蕭

蕭

毛傳蕭蒿也孔疏生民曰取蕭祭脂香物也詩緝蕭

香蒿也荻也牛尾蒿也陸疏蕭荻丁云此及下荻蒿字皆當作荻今本爾雅

之誤字也今人所謂荻蒿者是也或云牛尾蒿似白蒿白葉

莖粗科生多者數十莖可作燭故祭祀以脂燕之爲香

許慎以爲艾蒿非也。郊特牲云：「旣奠然後燕蕭合馨香是也。」丁云：當依禮記作炳蕭合羶蕭。詩：「緝蒿者。」總名曰蕭者，蒿之香者也。凡諸蒿曰繁者，白蒿也。幡蒿也。曰萃者，賴蒿也。曰苮者，青蒿也。曰蔚者，牡蒿也。馬薪蒿也。曰莪者，蘿蒿也。莪蒿也。蘼蒿也。角蒿也。又邪蒿，蘼蒿也。毛傳：「蓼長大貌。」

蒿蒿者莪

莪毛傳莪蘿蒿也。釋草：「莪蘿陸疏：莪蒿也。」一名蘿蒿。生澤田，葉似邪蒿而細，科生。三月中莖可生食，又可蒸食。味頗似蘼蒿。埤雅：「莪亦曰蘼蒿，蘼之爲言高也。」莪生澤國，漸跖之地，宿根先於百草。一名角蒿。阿大陵也。莪微

草也言君子之長育人材猶大陵之長有微草也菁菁

盛貌

四字本韓詩見文選注

蓋草之初生其色元盛乃青霜死而

後黃落故菁之文从青爾雅釋蟲曰蜚羅也釋草又曰
莪蘿也蓋蛾所以生蠶莪覆而出之同謂之羅其以此
歟。字說曰莪以科生而俄蓋莪俄而蒿直莪細而蔚粗
育材之詩正言莪者以此

鼈 六月

鼈

周禮鼈人掌取互物春獻鼈蜃秋獻龜魚鼈三

足能龜三足賁淮南子鼈無耳而目不可以瞢精於明
也埤雅鼈以眼聽穹脊連脅甲蟲也水居陸生養魚經

云魚滿三百六十則龍爲之長而引之飛納髓守之則免故一名神守天地之性細腰純雄大腰純雌大腰龜髓之屬以蛇爲雄荀子云跬步不休跛髓千里言髓行蹢躅而又跛焉其卒致千里則不輟焉耳內典曰鶴影生髓思生世云髓伏隨日謂隨日光所轉朝首東向夕首西向也又云髓之所在其上必有浮沫謂之髓津捕者以此占之韋氏燕山錄曰煮羊以鮑煮髓以蚊蓋物之相感如此爾雅翼易離爲髓爲蟹爲龜以其骨在外肉在內也至考工記則以外骨爲龜屬內骨爲髓屬以髓外有肉緣比龜爲內骨耳林氏有席曰形員脊穹四

圖有裙者名翼鼈○詩緝釋文合毛炙物曰魚楚辭招魂脰鼈炮羔脰煮也鼈可煮不可烹今云魚鼈謂火熟之耳或古不同

采芑

芑

毛傳芑菜也陸疏似苦菜莖青白色摘其葉白汁出

脆可生食青州謂之芑西河雁門芑尤美胡人戀之不

出塞釋草

與廉同

赤苗芑白苗集傳从毛以爲苦蕒

集

傳誤蕒史

榮校正菜青白色摘其葉有白汁出肥可生食亦可

蒸爲茹卽今苦蕒菜宜馬食軍行采之人馬皆可食本草
地黃亦名芑詩緝芑嘉穀也今之白梁粟郭注廉今

之赤梁粟芑今之白梁粟皆好穀也李氏曰毛以薄言
采芑爲菜豐水有芑爲草維糜維芑爲穀王氏皆以爲
穀補傳曰新田舊畝中鄉不應指菜蓋以田畝善養嘉
穀喻周家善養士卒也大雅云豐水有芑詩人於文武
皆以芑爲喻黃氏曰抄曰毛以芑爲菜朱以爲卽苦蕒
菜而詩緝力主芑穀之說愚意謂其不以菜而以爲穀
者蓋疑行軍所仰不徒在芑菜而芑菜亦不應如是之
多耳然詩人不過因采芑而起興案一歲曰苗二歲曰
新田曹氏粹中所謂皆未成熟者也故未可種穀而種
菜郭璞謂江東呼初耕地反草爲苗是也曰苗始成熟

故易曰不菑畲言其不勞力可以享成功也似當仍從
毛傳爲長

飛隼釋鳥鷹隼醜其飛也郭注鼓翅聲鵬然疾陸疏

隼鵠屬也齊人謂之擊征或謂之題肩或謂之雀鷹春

化爲布穀者也此屬數種皆爲隼七字詩爾雅禽經

曰鷹好時隼好翔鳬好沒鷗好浮隼一名雀鷹鷹之搏

噬不能無失獨隼爲有準每發必中故準从水从隼法

言曰麟之儀儀鳳之師師其至矣乎螭虎桓桓鷹隼殲

殲未至也言若鷹隼攫撮急疾則是右武而已非所以

爲至也司常曰鳥隼爲旗蓋鳥鳳也畫鳳以象其德畫

隼以象其威化書曰鳥反哺仁也隼憫胎義也蓋隼之擊物遇懷胎者輒釋不戮也毛氏奇齡曰隼鷲鳥也卽鷹之小者林氏有席曰隼一名翟鷹好翔一呼爲鵲急疾鷲鳥也

車攻

甫草 集傳甫草甫田也後爲鄭地今開封府中牟縣西圃田澤是也○周禮河南曰豫州其澤藪曰圃田左傳分康叔自武父以南及圃田之北竟列于天瑞篇子列子居鄭圃四十年人無識者俱指此地又名原圃左傳鄭之有原圃猶秦之有具圃也

四黃 埤雅黃駟曰黃黃亦馬之上色故駟頌首章曰有
 驪有黃明堂位曰周人黃馬蕃鬣言吉事乘此詩四黃
 既駕是也至於戎事則乘駟或曰天子之馬盛則駕六
 常則駕四詩曰四黃又曰兩驂此駕六之證也穆王八
 駿右華騶而左綠耳右騶赤驥而左白渠次車之乘右
 渠黃而左踰輪左騶盜驪而右山子此駕四之證也

吉日

麇鹿

毛傳鹿牝曰麇

說文同

麇麇言眾多也鄭箋麇牡曰

麇麇復麇言多也祁當作麇麇麇牝也孔疏釋獸云麇
 牡麇牝麇是麇牡曰麇郭引詩麇鹿麇麇鄭康成解謂

卽此也釋獸又云麋牡麋牝麋下箋云禘當作麋麋麋牝是也必易傳者以言獸之所同明獸類非一故知其所言者皆獸名下其禘孔有傳訓禘爲大直言其大甚有不知大者何物且釋獸有麋之名故易傳而從爾雅也注爾雅者某氏亦引傳云其麋孔有與鄭同下箋云禘當作麋此麋不破字則鄭本亦作麋也趙氏佑曰據麋麋當依衆多之義易爲鹿名已屬強解尙不破字易禘爲麋則太異矣此皆鄭氏之蔽案麋惟牡麋之名麋而復麋所以爲多義亦可通林氏有席曰麋鹿孕子於仲秋生於春

鴻鴈

鴻鴈 毛傳大曰鴻小曰鴈鄭箋鴻鴈知辟陰陽寒暑喻民知去無道就有道孔疏鴻鴈俱是水鳥春則避陽暑而北秋則避陰寒而南毛氏奇齡曰舊皆以大鴻小鴈爲鴻鴈之辨然鴻亦自有大小陸璣云鴻羽毛純白似鶴而大長頸肉美如鴈又有小鴻如鳬色亦白今人直謂之鴻徐氏日記云世稱鴻鵠然鵠不是鴻亦稱鴻鴈然鴻不是鴈蓋鴻鴈雖一類而自分大小小鴻之不是鴈則大鴈之必非鴻更可驗也特經傳每連出二字如月令鴻以八月至鴈以九月至俱稱鴻鴈有時以鴻稱

鴻鴈鴈仍稱鴈如淮南子仲秋來者是鴻稱鴻鴈季秋來者是鴈則稱候鴈餘詳邨風苑有苦葉

鶴鳴

鶴

陸疏形狀大如鷺長脚青黑高三尺餘赤頂赤目喙長四寸餘多純白亦有蒼色者人謂之赤頰常夜半鳴淮南子亦云雞知將旦鶴知夜半其鳴高亮聞八九里雖者聲差下今吳人園囿中及士大夫家皆養之雞鳴時亦鳴埤雅鶴青脚素翼舊云此鳥性警至八月白露降流於草上點滴有聲卽高鳴相警移徙所宿處慮有變害也蓋鶴行必依洲嶼止必集林木故詩以爲君子

言行之象。今鶴雌雄相隨。如道士步斗履其跡而孕。內典曰。鶴影生禽。經曰。鶴愛陰而惡陽。雁愛陽而惡陰。又云。鶴以怨望。鴟以貪顧。言其視也。鶴以潔唳。鳶以饑鳴。言其鳴也。生六十年不食生物。大毛落茸毛生。色雪白。泥水不能污。百六十年雄雌相視。目睛不轉。而孕千六百年。飲而不食。聖人在上。則與鳳凰翔於甸。續博物志云。鶴能巫步禁蛇。又云。師曠奏清角。有鶴集廊門。延頸而鳴。飾翼而舞。林氏有席曰。鶴一名仙禽。多壽長。頭竦。身高。脚頂赤。身白。頸尾黑。夜半水伏。感生氣則喜而鳴。

白駒

藿 毛傳藿猶苗也詩緝藿豆葉也用以餽羹

生芻 埤雅言君子之道貧賤不能移如此西京雜記曰人無幽顯道在則尊雖生芻之賤不能脫落君子故贈以生芻一束也

黃鳥

穀 詩緝穀楮也。今楮皮也。傳以爲惡木陸疏幽州人謂之穀桑或曰楮桑荆揚交廣謂之穀中州人謂之楮殷中宗時桑穀共生是也今江南人績其皮以爲布又擣以爲紙謂之穀皮紙長數丈三字詩疏缺潔白光澤其裏甚好其葉初生可以爲茹埤雅穀惡木也穀善也惡木而

取名於穀則甘草謂之大苦之類也檀堅厚稗脆薄別之易也穀則惡木而疑於美散木而疑於才其別之難矣故首章尙言樹檀而下其稗二章則言下其穀以誨宣王分別善惡有隆於後所以誨誘之也且箴規友道也誨誘師道也衡門三章鶴鳴二章皆比而不賦則以誨誘故也然僖公愿而無立志故衡門誘掖之宣王則高才之主特不能有終耳故鶴鳴以曉敎之又與誘掖之詩異本草曰楮一名穀陶氏云卽今構木誤矣先賢以爲皮斑者是楮皮白者是穀有瓣者曰楮無瓣者曰構案此則非一種物類相感志云其膠可以團丹砂列

子曰宋人有爲其君以玉爲楮葉者三年而成亂之楮
葉中不可別遂以巧食宋國徐氏鼎曰楚人呼乳爲穀
今木中白汁如乳故亦名穀吳俗取斧斫樹以椀盛汁
用以團金呼爲穀樹汁惡木易生皮斑者爲楮白者爲
穀其實如楊梅不可食案鬪穀於菟之穀乃奴口反从
𠂔从禾此詩之穀从𠂔从木徐氏以爲穀構同音卽此
詩之穀惟詩穀與玉協並無構音似當從陸氏佃埤雅
謂非一種木之說爲正

我行其野

檇

毛傳惡木也鄭箋檇之蔽芾始生謂仲春之時嫁取

之月

蓬

毛傳蓬惡菜也鄭箋牛薺也亦仲春時生可采陸疏

蓬牛薺揚州人謂之羊蹄似蘆菹而葉莖赤可瀹爲茹滑而美多啖令人下氣幽州人謂之蓬釋文蓬又作蓄薺本又作藿陶隱居曰今人呼禿菜卽蓄字音誤林氏有席曰案此則似非惡菜徐氏鼎曰孔疏謂釋草無文及考爾雅云藿牛薺邢疏小雅言采其蓬鄭箋蓬牛薺郭云今江東呼草爲牛薺者然則蓬也藿也蓄也卽一物也

蒿

毛傳蒿惡菜也鄭箋蒿蒿也亦仲春時生可采陸疏

萐一名萐

箋同

河內謂之萐幽州謂之燕萐其根正白可

着熱灰中溫噉之饑荒之歲可蒸茹以禦饑漢祭甘泉
或用之其花葉有兩種一種葉細而花赤一種葉大而
花白復香曹氏曰萐萐皆野生林氏有席曰其華有赤
者爲萐萐萐一種蔓生被樹結實狀如牛角一枝數枚
味甘如蜜毛傳以爲惡菜恐非徐氏鼎曰釋草又云萐
萐芽郭曰華赤者爲萐蓋萐萐一種耳亦猶菱苕華黃
白異名也鄭於萐萐並言仲春可采以記昏姻之候而
毛傳並云惡菜以喻遇人不淑意蓋毛以秋冬爲婚期
故霜降迎婦冰泮殺止而周禮仲春令會男女奔者不

禁此爲過期者而言則仲春非正期也。桃夭二月時也。安得謂非正期。周禮之意蓋謂過仲春以後則爲失時。故此時禮不備者亦不禁欲人之速婚也。禮不備者謂之奔。內則聘則爲妻。奔則爲妾是也。非淫奔之謂。

斯干

翬

詩緝。翬卽雉也。鄭箋。伊雉而南。素質五色皆備成章。

曰翬

釋鳥同

又云鷹隼醜其飛也。翬言其鼓翅翬翬然疾。

也。左傳。五雉爲五工。正翬其一也。翬蓋中央之雉。南方

曰鷩。東方曰鷮。北方曰鷦。西方曰鷩。餘解見雄雉。

莞

鄭箋。小蒲之席也。釋文。草叢生水中。莖圓。江南以爲

席形似小蒲而實非也釋草莞苻離其上蒿郭注今西方人呼蒲爲莞蒲江東謂之苻離詩緝莞蒲二草之名蒲粗而莞細司几筵有莞筵蒲筵粗者在下美者在上也濮一之曰莞又云燈心草生池澤中卽苻離也本草燈心草叢生莖圓細而長直人用之爲席

簟 鄭箋竹葦曰簟孔疏郭璞云竹葦曰簟者以常鋪在上宜用堅物故知竹簟也士喪禮云下莞上簟衽如初則平常皆莞簟也其寢卧之席自天子以下宜莞簟同熊 釋獸熊虎醜其子狗絕有力麋郭注律曰捕虎一購錢三千其狗半之埤雅熊似豕堅中山居冬蟄當心有

白脂如玉味甚美俗呼熊白其胆春在首夏在腹秋在左足冬在右足好舉木而引氣謂之熊經莊子所謂熊經鳥伸是也冬蟄不食飢則自舐其掌故其美在掌謂之熊蹯劉向新序熊行雖遠必有跼伏之所在石巖枯木山中人名曰熊館搜神記曰熊居樹穴中人擊樹呼子路則出不呼則不動本草熊羆一類也如豕黑色者熊也大而黃色者羆小而赤黃色者羆也

羆

釋獸羆如熊黃白文郭注似熊而長頭高脚猛憨多

力能拔樹木關西呼曰羆羆陸疏有黃羆赤羆大於熊其脂如熊白而粗理不如熊白美埤雅羆似熊而大堅

中長首高脚從目能緣能立遇人則擘而攫之俗云熊
羆眼直惡人橫目淮南子云熊羆之動以攫搏兕牛之
動以舐觸其白生於心之下育之上亦如熊白而粗秋
冬則有春夏則亡俗說熊羆富脂至春臙癢卽登高木
自墜謂之撲臙今人畜熊以挺撻之更致壯長舊說師
子虎見之而伏豹見之而暝熊見之而躍○鄭箋熊羆
在山陽之祥也故爲生男。虺蛇穴處陰之祥也故爲生
女王氏曰熊羆彊力壯毅故爲男子之祥。虺蛇柔弱隱
伏故爲女子之祥。

虺 釋魚。虺虺博三寸首大如擘邢疏如人擘指也舍人

曰江淮以南曰蝮江淮以北曰虺孫炎曰廣三寸頭如
拇指有牙最毒陶隱居曰蝮形短而扁埤雅虺狀似蛇
而小一名蝮舊說蝮蛇怒時毒在頭尾螫手則斷手螫
足則斷足蛇之尤毒烈者也一曰蝮與虺異虺如土色
所在有之蝮蛇鼻反其上有針錦文眾蛇中此獨胎產
生輒拆母腹亦有與地同色者林氏有席曰虺蛇屬細
頸大頭色如文綬大者長七八尺字說曰蛇螫人而亦
逃人其害人也人亦復焉舊云鳩食此類

蛇 左傳莊十四年疏蛇北方水物酉陽雜俎蛇有水草
土木四種集韻毒蟲埤雅魚屬連行蛇屬紆行詩曰委

蛇蓋取諸此周官曰龜蛇爲旐先儒以爲龜蛇象其捍
難避害龜甲者也而蛇擊首則尾應擊後則首應自腰
擊之則首尾俱應有兵象故龜蛇合體謂之元武故物
有元龜纁蛇臙有左腎右命方有朔有北器有準有繩
卦曰習坎習猶重也舊說牛以鼻聽蛇以眼聽語云蛇
聾虎聾莊子云蛇憐風風憐目目憐心其言展轉輕妙
述異記曰凡珠有龍珠蛇珠語云蛇珠千枚不如一玫
瑰言蛇珠賤也變化序曰鵠之爲猿蛇之爲鼈一曰麋
鹿易蹄蛇類易皮鼈類易殼稽聖賦曰蛇曉方藥鳩善
禁咒蓋鳩能咒大石使起取蛇食之禁石時舉翅行前

却如道士禹步則石起据辰爲龍已爲蛇已六陽具不
爲龍而爲蛇者龍至此而亢故也宜爲蛇而已五姓秘
要曰相山之法欲如生蛇之渡水取其詰屈也又如斲
木之飛翔取其一高一下也

無羊

牯

毛傳黃牛黑唇曰牯

釋畜同

集傳從之董氏道曰黑唇

爲牯則黑觜爲牯

音袖

黑耳爲駟

音駟

亦各以其類也王夫

之詩經稗疏曰九十其牯當引爾雅七尺曰牯之文釋
之不當以黃牛黑唇釋之案王以郭注此條云詩曰九
十其牯亦見尸子也紀氏昀以爲然

蒸 鄭箋粗曰薪細曰蒸

魚 鄭箋牧人乃夢見人眾相與捕魚集傳蓋人不如魚之多故夢人乃是魚則爲豐年埤雅俗云春魚遺子如粟埋於泥中明年水及故岸則化而爲魚如遇旱乾水縮不及故岸則其子久閣爲日所暴乃生飛蝗詩曰眾爲魚矣實維豐年說者以爲陰陽和則魚眾多矣故豐年夢魚理或然也案春秋哀十有二年冬十有二月螽公羊曰螺何以書記災也是螽亦作螺螺眾字音近或相訛轉然則螽維魚爲豐年與列子之說合似亦可備一解姜氏炳璋曰眾維魚言始而夢眾旣而夢魚於占

法爲少變多之象變者占夢之官謂其變也記始夢少
繼夢多爲變非謂夢人變爲魚也

正月

蜴

毛傳蜴蜥也

不連陸疏

蜴一名蜥蜴水蜴也

詩疏脫水字

或謂之號蜥或謂之蛇蜥如蜥蜴青綠色大如指形狀
可惡趙氏佑曰此疏言如蜥蜴正言其如在壁之守宮
則上文水蜴也水字甚不可脫釋魚蜥蜴蜥蜴蜥蜴守
宮也邢疏一物形狀相類而四名說文云在草曰蜥蜴
在壁曰蜥蜴方言云秦晉西夏謂之守宮其在澤中者
謂之蜥蜴南楚謂之蛇醫或謂之蜥蜴蜥蜴周易之義

疑出於此取其陰陽構合而易一名蜥蜴日十二時變色故曰易舊說蜥易嘔電蓋龍善變蜥易善易故乾以龍況爻其書謂之易爻者言乎其變也象之義出於象彖之義出於豕易之義出於易皆取諸物也蛇體有傷此輒銜草傳之故有醫之號東方朔曰是非守宮蓋蜥蜴也若守宮乃蠃蜒今俗謂之蠃虎喜緣籬壁者是考工記注云胃鳴樂原屬馬融作以胃鳴干寶作以骨鳴三字相近雖容有誤而馬鄭與干皆名儒或有所授師說不同三教珠英云守宮鱗色如蛇而四足亦與魚合詩緝据此是在草澤中者名蠃蜥蜴在壁者名蠃蜒

守宮也又通謂四脚蛇博物志云以器養之食以真珠
檮萬杵以點女人體終身不滅耦則落故號守宮陶隱
居曰其類四種大形純黃色爲蛇醫次似蛇醫小形長
尾見人不動名龍子次有小形五色尾青碧可愛名蜚
蜴不螫人一種喜緣籬壁名蠃蜥形小而黑乃言螫人
必死而未嘗中人東方朔傳射守宮曰以爲龍又無角
謂爲虵又有足跂跂脈脈善緣壁若非守宮卽蜚蜴
魚潛 趙氏佑曰魚在沼而伏於潛中也潛養魚器解當
如潛有多魚之例小爾雅魚之所息謂之潛潛也積
柴水中而魚舍焉潛音枕本或作潛爾雅作潛釋器潛

謂之潛孔疏潛潛古今字觀此可得潛伏連文之義若
但訓潛爲藏則於伏字爲重出

詩緒餘錄卷六終

受業葉應陽校